

A xeira marítima do IEM emitida por internet, seguida dende 12 países

Escrito por Redaccion @valminorinfo
Venres, 11 Xullo 2014 12:27



A emisión conseguiu acadar o interese de medio milleiro de persoas de doce países que escoitaron as explicacións do arqueólogo Xose Lois Vilar sobre a talasonimia e os afundimentos na costa entre Baiona e as Cíes.

Os nomes do mar e o solpor nas illas Cíes foron seguidos no resto de España, Bélxica, Arxentina, Noruega, Portugal, Reino Unido, Suíza, Alemania, Andorra, Irlanda, Turquía e Estados Unidos.

"Foi a primeira vez, e como tal aparellaba un cúmulo de desafíos a enfrontar, técnicos e humanos ao longo do percorrido." O equipo da empresa miñorán [K12 Comunicación](#), instalou unha cámara, micro e un sistema de emisión portátil a bordo do barco.

Durante dúas horas, os seguidores poideron ver a saída do barco en directo dende a ensenada de Baiona até a inmediación das illas Cíes fronte á praia de Rodas onde o solpor detrás das illas embelesou aos asistentes.

As ondas de dous metros e as rachas de vento non impediron o seguimento da ruta que de volta, mostrou todo o fronte da costa do Val Miñor, dende Cabo Silleiro ata a Praia de Patos.

Escrito por Redaccion @valminorinfo
Venres, 11 Xullo 2014 12:27

O arqueólogo Xosé Lois Vilar foi narrando cada un dos puntos do mar e as marcas de terra pola que os mariñeiros guíábanse antes da chegada dos GPS e as sondas. Cabos, penedos, illotes, cumios, ... todo perfectamente nomeado para sinalizar perigos, puntos e auga doce, zonas de pesca, zonas perigosas, portas de entrada, ... Unha orografía agochada no mar.

As dificultades técnicas propias desta tecnoloxía de emisión veñen dada polas comunicacións e o atoparse nun punto de emisión e constante movemento. Pese aos cortes das zonas de sombra no paso pola Porta, entre Monteferro e As Estelas, as imaxes foron quen de acadar a atención das persoas que seguiron en directo a travesía coa profunda voz de fondo de Xosé Lois que tamén engaiola na cámara

Achegamos aquí os vídeos do que foi a emisión.